

Թիւնեանն ու Մ. Պապաջանեանը պնդում էին ծովից-ծով Հայաստանի վրա՝ Տրապիզոնի և Ալեքսանդրէտի ելքերով: Դաշնակցականների մէջ էլ քիչ չէին ծովից-ծով Հայաստանի կողմնակիցներ, բայց մեծ մասը կանգնած էր միայն Սև ծովի ելք ունենալու տեսակէտի վրա: Նկատողութեան առնւեց և մանրատի հարցը, բացի սոց. -յեղափոխականներից ու սոց. -դեմոկրատներից, որոնք պաշտպանում էին միութիւնը Ռուսաստանի հետ, Հայ. Սորհուրդը առաջին տեղը տւեց Ամերիկային, ապա՝ Անգլիային, յետոյ՝ Ֆրանսիային, և վերջը միայն՝ Ռուսաստանին: Հայ. Սորհուրդի ղեկու. Յ. Նիստում կազմւեց պատերազմութիւնը — Ա. Ահարոնեան՝ նախագահ, Մ. Պապաջանեան և Հ. Օհանջանեան անդամներ: Այս վերջինը ղեռ Բերլինում էր: Հրահանգների վերջնական ձևակերպումը թողնւեց կառավարութեան, որ և յանձնարարեց պատերազմութեան պաշտպանել Սև ծովի ելքը՝ առանց զենլու Կիլիկիայի պահանջը: Միևնոյն ժամանակ կարգադրւեց Ա. Ահարոնեանին՝ սերտ գործակցութիւն ստեղծել Պօղոս փաշա Նուպարի հետ: Նոյեմբեր 9-ին պատերազմութիւնը մեկնեց Թիֆլիս:

*

Դարձեալ հրաչքն էր փրկում հայ ժողովրդին:

Նոյեմբերի կէսերին, Հայաստանի զինուորական նախարարը Երևանի թիւրքական ներկայացուցիչ Ահմէտ Ալի փաշայից ստացաւ հետեւեալ գրութիւնը. «Պ. Նախարար, օսմանեան կայսրութեան գլխաւոր սպայակոյտի պետը հրամայում է ինձ հաղորդելու ձեզ, որ Բրեստ-Լիտովսկի սահմաններից դուրս մնացող և թիւրք զօրքերի կողմից գրաււած հողամասերը պէտք է դատարկեն վեց շաբաթւայ ընթացքում՝ հաշւելով 1918թ. հոկտ. 24-ից»:

Եւ հետզհետէ սկսեց թիւրքերի նահանջը ու նրանց պարպած հողերի գրաւումը հայերից: Նոյ. 18-ին հայկական զօրքերը մտան Ղարաքիլիսա և իրենց ձեռքը առին շրջանի կառավարութիւնը: Ահռելի տեսարան բացւեց նրանց առջև. դաւառը բառիս բուն նշանակութեամբ աւերւած ու կողոպտւած էր: Գիւղացիութեան 98% թալանւած էր մինչև շապկի կոճակը: Ամէն ինչ տարել էին թիւրքերը — տաւարը, երկրագործական գործիքները, սայլերը, կահկարասիքը, անկողինները, անգամ ճրագները: Մարդկային կմախքները թափթփւած էին չորս կողմը: Ղարաքիլիսայի ու Ղըշլախի միջև նետւած էին 400 դիակներ, Ղըշլախի մօտ՝ Մեծ Կիրճում մարդիկ հաշւել էին 500 դիակ: Հազարաւոր դիակներ, դանդեր ու մարդկային ոսկորներ թափւած էին Ալթուն Թախտում ու Վանանց ձորում... Երկաթուղին քար ու քանդ էր արւած, կողոպտւած մինչև դռներն ու պատուհանները: Երկիրը հասել էր քայքայման վերջին աստիճանին:

Զարհուրելի պատկեր էր նկարում «Зак. Слово»-ի թղթակիցը (1918թ. նոյ. 22), որ անմիջապէս թիւրքերի հեռանալուց յետոյ, եղել էր Լոռի-Փամբակում:

«Ղալթախի կայարանից մինչև Քորազերան թիւրքերը տարել են շպանները, պահեստի երկաթուղագծերը, կայարանների կարասիները, շոգե-